



Broj: 0101-2998/24

Sarajevo, 04. 07. 2024. godine

Na osnovu člana 31. stav (3) i stav (4), člana 69. Zakona o visokom obrazovanju ("Službene novine Kantona Sarajevo" broj: 36/22) i člana 111. Statuta Univerziteta u Sarajevu (broj: 01-14-35-1/23 od 26. 07. 2023. godine), te Konkursa za upis studenata u prvu godinu studija na Univerzitetu u Sarajevu u akademskoj 2024/2025. godini, a u skladu sa Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo" broj: 19/09, 31/12, 36/12, 4/15, 15/15, 16/18, 21/18 i 25/21), Vijeće Fakulteta na 10. (desetoj) redovnoj sjednici održanoj dana 04. 07. 2024. godine donosi prijedlog

O D L U K E

o utvrđivanju visine participacije cijena usluga upisnine i školarine za studente Univerziteta u Sarajevu-Farmaceutskog fakulteta koji prvi put upisuju prvu godinu studija akademske 2024/2025. godine

I

Utvrđuje se visina participacije cijena usluga upisnine i školarine za studente Univerziteta u Sarajevu-Farmaceutskog fakulteta koji prvi put upisuju prvu godinu studija, kako slijedi:

- za redovne studente (studenti koji se finansiraju iz budžeta Kantona Sarajevo) cijena usluga upisnine iznosi 100,00 KM
- za redovne samofinansirajuće studente (državljeni Bosne i Hercegovine i kandidati sa prostora bivše SFRJ) cijena usluga školarine iznosi 3.000,00KM
- za redovne samofinansirajuće studente (strani državljani) cijena usluga školarine iznosi 3.600,00KM

II

Studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u Kantonu Sarajevo, oslobođeni su plaćanja upisnine i školarine, odnosno školuju se na teret Budžeta Kantona Sarajevo.

Lice sa utvrđenim procentnim invaliditetom ima pravo upisati se na javnu visokoškolsku ustanovu u statusu studenta oslobođenog od plaćanja školarine, bez mogućnosti da ovaj status izgubi, na bilo kojem studijskom program svih ciklusa studija pod uslovom da je:

- položilo prijemni ispit;
- sposobno obavljati praktične zadatke u nastavi



- c) steklo pravo upisa na odgovarajući ciklus studija i
- d) dostavilo dokaz nadležne institucije o statusu lica sa invaliditetom i procentu invaliditeta.

III

Kandidati koji pripadaju posebnim kategorijama iz Kantona Sarajevo, pored dokaza o pripadnosti posebnoj kategoriji dužni su prilikom upisa dostaviti dokaz o prijavljenom prebivalištu u Kantonu Sarajevo, CIPS potvrda.

IV

Odluka stupa na snagu danom donošenja.

Obrazloženje

Vijeće Fakulteta je na 10. (desetoj) redovnoj sjednici održanoj dana 04. 07. 2024. godine razmatralo prijedlog odluke kojim se utvrđuje visina participacije cijena usluga upisnine i školarine za studente Univerziteta u Sarajevu-Farmaceutskog fakulteta koji prvi put upisuju prvu godinu studija, a u skladu sa članom 31. stav (3) i (4) Zakona o visokom obrazovanju Kantona Sarajevo ("Službene novine Kantona Sarajevo" broj: 36/22).

Članom 69. stav 1., tačka a.) Zakona o visokom obrazovanju Kantona Sarajevo ("Službene novine Kantona Sarajevo" broj: 36/22) propisana je nadležnost Vijeća da donosi odluke o svim akademskim, nastavnim, naučnim, umjetničkim i stručnim pitanjima u okviru svoje nadležnosti. U skladu sa navedenim, odlučeno je kao u dispozitivu.

Akt odobrio: Prodekan za nastavu i studentska pitanja:

Sekretar Univerziteta u Sarajevu - Farmaceutskog fakulteta potvrđuje da je prijedlog Odluke u skladu sa zakonskim i podzakonskim propisima na snazi, te da je Vijeće Univerziteta u Sarajevu - Farmaceutskog fakulteta nadležno za donošenje iste shodno članu 69. Zakona o visokom obrazovanju ("Službene novine Kantona Sarajevo", broj: 36/22)

[Handwritten signature]



Dostaviti:

- Službi za nastavu i studentska pitanja
- Službi za finansije i računovodstvo
- Web stranica Univerziteta u Sarajevu-Farmaceutskog fakulteta
- Dosije Vijeća Fakulteta
- a/a